

國子監志

制進冊

卷之七十五
藝文志九
應

第七冊

國子監志卷七十五

藝文志九

應



制進冊

乾隆五十年

高宗純皇帝肇建辟雍釋奠講學禮成恭紀

頌謹序

嵇璜

臣惟禮經以辟雍為天子之學。而其名肇見於詩。於論於樂。周制尚已。然必推稽於壽考。作人之化。與夫詒燕子孫之謨。以見受命者之德純。

福備用是行禮樂。宣至教。顯誼軌。馬。逮成周。以後。繞門環沼。考跡於漢京。大都循名。尠實。視雅材所美。復不相及。矧若珍符茂典。駢集竝時。而制禮從宜。遠邁姬室者哉。欽惟我

皇上寅迓鴻釐。丕承

前烈。文治宣而武勛鏖。宗河翕而巨澥恬。醲化四蒸。上
壑下泝。

壽逾古稀而精勤益勵。

聖德日盛。

聖福日崇。

五世一堂。雲初慶行。

景祚之綿。蕃禧之溥。生民以來。信乎未之有也。歲乙巳元日。

頒詔中外。行慶施惠。九寰布懽。於是繩

祖武。普春祺。自六十以上至百餘歲。黃髮皤背之叟。三千人。於初正六日。祇赴

闕廷。大啓耆讌。

恩禮稠渥。至矣哉。

錫福之上儀也。且夫學校之隆。必由於沐浴漸摩之會。在易恒之象曰。聖人久於其道而天下化成。孔穎達謂聖人得天長地久之道。所以能光宅天下。使萬物從化而成也。繫辭言著之用曰。大衍之數五十。王弼謂演天地之數。所賴者五十也。萬物之策。凡萬有一千五百二十。皆於大衍推之。天數一至五為生數。地數六至十為成數。大衍實具天地生成之道。聖人參天贊地。與天地同其高明博厚。即與天地同其悠久無疆。我

皇上協天人之應。宏

君師之道。於癸卯歲春。

特命太學。崇建辟雍。舉元明以來。五百餘年之軼典。而

釐舉之。至甲辰冬。告歲事焉。今仲春上丁。

皇上詣廟釋奠。禮畢。

臨辟雍。

親行宣講。典至盛也。臣竊考辟雍之說。詩傳以形言。禮

注以義言。而繹其字。可以見其制。毛傳鄭注。義

無不合。他如蔡邕崔靈恩諸家所言水廣四周。

其園若壁。意亦不異。我

皇上詔稽經訓。揆度古今。下至綆汲輸引之法。舉蒙指示。因地制宜。尤非拘儒末議所幾及萬一者。茲者建極敷言。右文典學。凡莘莘裔胄。濟濟生徒。環橋門而觀聽者。至期雲集。願近

天子之光。所由敷

聖化。暢

皇風。浹厖洪。揚景鑠者。於斯為極矣。若記所云。食三老五更於太學。本屬漢儒附會其事。未可徵信。且

養老之典。見於周禮。司徒司門羅氏等職。初無所為三五之名。更不必並舉於臨雍之日。臣伏讀

聖製於園水。則有落成之

記。於更老。則有辨謬之

說。又以三老之名。徵據孟子。以見理不可不日窮。書不可不日讀。凡皆循名責實。折衷至當。

聖訓昭垂。加以講經闡道。

御論以宣之。崇儒重禮。

御製詩以示之。成均之衆。涵濡

教澤。延企蹈舞。其為首善之建。又孰有大於此者乎。時

又值四庫書四部。校繕全竣。

文閣列儲羣籍。光華炳輝冊府。

昌期協應。不期而會。禮成之日。瑞雪霏霽。郊野優渥。

天庥翕召。用兆豐徵。

皇上奕命重申。宣綸播闔。溥海內外。咸以為

聖主德之純。與福之備。曠軼萬古。益以慶

聖壽之延。洪錫羨於億萬斯年也。臣久沐

洪慈。再逢鉅典。思欲導揚

盛美。以摠下悃。竊以周詩靈臺之篇。文王有聲之章。推

美豐鎬。鋪張揄揚。流播千載。以昔視今。其大小

廣狹。不可同年語焉。不揣譎陋。謹拜手稽首而

獻頌曰。

建國莅民。教學是先。於京立監。至元書年。我

皇御寓。炳樞耀璇。粵稽辟雍。若海迴淵。徵名定義。璧象

告圓。迺

召司空。相彼廟塢。度地定制。講堂之前。

往歲疆圉。新茲廟堂。辟雍肇建。曰維昭陽。斟酌古制。訓言精詳。汲泉以綆。甃石為梁。旋邱隆棟。峙乎中央。制兼周學。規軼虞庠。告成不日。大衍符慶。

辟雍既成。四方所覩。有漪者池。有倬者宇。

聖澤所涵。道德之府。覲我

帝光。儀文待舉。煌煌

御記。豐碑式樹。復古典隆。匪泥於古。實主名賓。為學之務。

旃蒙啓運。太族司辰。軒筩肇歲。鳳紀五旬。慶綿瓜瓞。景福駢臻。

九天溫詔。布自紫宸。歡聲喜氣。風馳八垠。寰瀛普祀。庶彙皆春。游源泳沫。覃被化鈞。

洪惟

聖祖。讌啓耆英。我

皇繩

武。惠茲高齡。三千耆長。聯步

殿廷。授几扶杖。共沐

寵榮春觴既醉。歌詠太平。引年視學。典必分行。惟彼成均。奚取老更。

青陽仲月。上丁期屆。往有恒儀。習舞舍菜。典重親臨。先期敕戒。肅肅講僚。承風揚對。庶尹駿奔。雍容冠

帶。上公博士。和鸞共會。爰及師儒。無小無大。

九閭曉開。銅龍傲曙。華鐘鏗音。

翠旌啓路。

帝至於雍。德車樂御。俎豆維虔。鏞鼓式具。

聖敬聿昭。心源以溯。惟恭之安。惟德之裕。普淖馨香。以

迓

洪祚。

講席高張。

御論用闡。維聖緝熙。維乾行健。五倫斯明。一誠是貫。百

家箋疏。衷於

睿斷。覺世牖民。

天章巍煥。涵泳

聖涯。企瞻道岸。園橋蒸蒸日上。式舞而作。珠璣告豐。

至誠馨格。

玉輅言旋。

恩綸疊錫。

掄英上庠。特廣解額。爰自躬桓。逮於百職。

彤墀頒賚。文縑束帛。容臺式宴。酒醴芬苾。霑被

龍光。飲茲

闔澤。

郵治既登。

湛仁既究。湯湯海流。宮牆美富。多士雲蒸。匠成翹秀。

聖人莅止。咸欣瞻就。襲鼓軒舞。頌聲斯奏。

福與日升。

德隨時懋。觀文化成。榮鏡宇宙。

詩謹序

德保

伏讀詩魯頌小序云。泮水。頌僖公能修泮宮也。

夫泮宮諸侯之制。不足以擬辟雍。然魯侯廓模

闕規。導泗於泮。鸞旂莅止。維時臣工。猶以穆穆

明明為頌焉。欽惟我

皇上御寓五十年。仁洽道豐。

朝熙門穆。萬國粲宴。九有光昭。崇

聖以布治。尊學以右文。特於太學創建辟雍。厥功肇成。

大典斯舉。仲春禋祀。

龍輶載臨。演繹

孔猷垂示

天哲將將乎。煌煌乎。瞻薰霽而聆磬鈞者。萬萬而羣。億億而興也。白虎通德論曰。辟雍所以行禮樂。宣德化也。韓詩說曰。辟雍者。天子之學。所以教天下。是以

聖人運洪鈞乎

皇極開

元模以軌物。明象立制。園水成壁。非所謂天地同節。

輝烈光燭者歟。顧

京師太學。自元明以來。辟雍規制咸闕。或以古者太學在郊。在郊則引水易。近世太學在國。在國則引水難也。臣謹考之於大雅鎬京辟雍。夫辟雍繫以鎬京。則京國之中。古有辟雍明矣。迺又考之於王制註。殷太學在郊。周太學在國中。夫

國中既立太學。則辟雍亦必建於國中矣。然則旋邱環壁。即國中當自有引水之方焉。奚必越郊坳。縈廣澤。始足規沼矩臺。修古宏化耶。

皇上相度成均。廣利井養。嘉文教之宣。邕美王道之周流。足正澤宮在郊之異議。聿創明堂外水之崇基。垂

憲勒

文。烏奕往代。後漢書載顯宗駕臨辟雍。士人鶩集。儀度式昭。史策相傳。遠鑠唐宋。然未若我

皇上景祚協太初之元。

玉牒蕃

五世之盛。均禧黎老而

慈惠布。行慶朝野而

天賚周。久道化成。備臻懋美。參稽古籍。闢址上庠。符以德圓行方之象。闡以觀天察地之神。登歌省成。

辰旒肅

御。

帝訓光乎五典。鴻儀耀乎三雍。臣備員秩宗。職司邦禮。

竦誠襄事。稽典承

謨。謹撰七言古詩一章。拜手稽首以獻。其詞曰。

睿圖作極光鴻基。握符統紐持瑤璣。法乾行健增

福紀。日新不已絲昌期。軌儀

至聖景元德。崇儒道在尊

先師。圖書亮章義博奧。以

聖傳

聖交相資。覃敷

文命先太學。三德三行垂

國彝。成均古稱五帝制。辟雍名肇殷周時。名以制
定期質實。取辟有德符前規。東京辟雍雖締造。
與學異處滋經疑。孰如我

后徵石紀。黌宮博敞審地宜。曰古辟雍重五學。明堂月
令存其詞。靈臺靈囿昔同構。觀天理化敷洪施。
禮本於古期勿闕。汝臣率作其奮撝。何必郊庠
始通澤。井冽可緣縈清漪。武王宅鎬學在國。辟
雍肇建徵諸詩。於郊於國制無異。瓊源長注成
珍池。法天象璧奉經式。節觀行教昭

皇儀因地宣流。易程力順時而動。考厥司。岩嶢

紫殿儼嶽立。繚垣煜見鈎陳垂。修梁跨五準水泉。四

方圍聽周天維。慶成刊石賁

謨典。日星垂耀光九達。上丁元辰肅祀事。

鑿輓親詣陳明齋。大昕鼓徵列羣彥。繼世華胄羅文綦。

聖堂臨御欽

日表。十華笈啓騰龍螭。講臣侍

幄聆經義。羣言衷

聖理不移。多士舒翹望光采。學市紛集詠且嘻。橋門洞

達流

帝澤。

恩隆典鉅承榮滋。

聖皇釀化久彌洽。延洪錫羨瞻

堯曦。首持泰柄承勤怠。道全德備猶孜孜。閱千百載如

一日。義年昊歲同登濟。

一堂備集

五葉盛。本支百世傳來茲。

龍孫抱孫

帝萬壽。福以德致。臻神奇。恰值大衍書鳳紀。堯衢擊壤。時同推。

家祥

國瑞均盛美。

恩綸廣播四海。彌祇承靈貺。申類告。瑄蕪載薦。神宴嬉。皇流溥博。溉百族。塗歌邑誦。情熙怡。晨暉疊旦。衍昌運。司命益壽。珍符披典。紹

皇祖布

膏澤。上正錫宴。隆英耆。國老皤皤。拜且舞。連延庶老相

追隨。泯泯者衆。盈所欲。浸沐元氣。年不衰。福瀛廣博。永庥命。崇術立教。歌咸綏。自求伊祐。與典學。辟雍鐘鼓。傳西岐。王者臨蒞。類非一。春秋以序。升馨粢。合舞合樂。事異輟。釋奠釋菜。等有差。立學創始。儀特重。皮弁將祭。承嘉禧。

哲后經營。濬圓沼。祥源浚照。涵

聖涯。豐功既輯。告

先聖。暉緝茂矩。凝蕃釐。禮和樂舉

睿文。絜綜。述道奧。六藝摛。鳥集鱗萃。盛觀聽。

惠液滲漉靡有遺。騰華照寓景馨烈。寶錄駢羨時純熙。
勒崇垂鴻傳萬嗣。化光玉鏡侔姚姁。

雅謹序

阿桂

上紀元之五十載。太歲旃蒙。夾鐘月上丁。有事於

文廟。自諸王大臣。暨百執事。衍聖公四氏。博士。徠與

陪祀。釋奠禮洽。

上御彝倫堂。更衣。

親莅辟雍。樂奏盛平之章。班侍翼翼。大學士祭酒以次

陳講。

天語闡宣。義揭星日。橋門祇聽。渙如饜如。僉以為自生

民以來。傳心之道。與傳道之政。未有盛於我

皇上也。瑞符之合。福應之懋。亦未有盛於我

皇上也。廣宴千叟。

祖武繩焉。粹毓重孫。孫謀裕焉。既以月正元日。覃賁

恩詔。敷錫臣庶。與天下普慶罔斁。而落成辟雍。茲逢其

會。曰

臨曰

講名與實敦。用廣

德心。免貢監生課程一月。增明年京兆試解額。利用賓於王。越三日。

宴執事官於禮部。典隆軌誼。遠越舊章。故曰禮樂之大。百年而後興。自西自東。自南自北。無思不服。非法天行健。緝熙敬止之至詣。孰能與於此。臣竊聞古始立學。必釋奠於先聖先師。蓋釋幣曠舉。釋菜數舉。惟釋奠較得其中。其時有學無廟。後乃即廟立學。周公孔子顏子。遞為先聖先師焉。今天下府州縣學。皆依太學之制。以黃瓦

覆

大成殿。

至聖先師孔子之神廟之前。鑿池半規。謂之泮池。則天子曰辟雍。諸侯曰泮宮之義也。以諸侯之學之池如半珪。知天子之學之池如璧。以諸侯之學之宮曰泮宮。知天子之學之宮曰辟雍。雍通作雝。亦作靡。其訓辟為明。訓雍為和。為壅水。殆陋儒附會之說。考文證義。多不合也。第府州縣學有半池。而太學未有園池。自至元立學以還。

必待

君師合一之統。宏樹規儀。垂示無極。以彰

教思。以協福紀。王道之實功。聖神之能事。咸速恒久。不其躋歟。夫辟雍泮宮。見於王制。而始於詩之雅頌。朱子之釋靈臺曰。辟壁通。雖澤也。天子大射行禮處。又曰。蘇氏引莊周云。文王有辟雍之樂。疑辟雍為樂名。臣伏思天子於學行禮。必大合樂。要不得即以辟雍名樂。至習射獻囚養老諸禮。行之於學。不必概行之於辟雍。辟雍者。澤宮

之別名。澤宮者。今

辟雍之懿制。彼詩疏所云。水圓而內有地。水下地高。故以邱言之。曷若即地作殿之為得其正也。昔魯頌言泮宮。大雅言辟雍。後之人形容盛德。頌多雅少。

天子視學。於雅為宜。臣不揣固陋。擬雅二篇。拜手稽首獻焉。

有雍。美

天子監古肇制。於太學鑿池象壁也。

有雍設學。重天子邦。若庠序校。環以川融。崇樂備禮。

聖清緝熙曰

天作

君曰

天作

師一章

翼翼禮殿。有瓦載黃。秩秩講舍。有槐載榮。于廟告崇。于學昭典。申考三雍。司空

命建二章

面勢巡度。彝倫之陽。按矩準步。周圍無方。言導璿源。相彼圓折。其渟淵淵。其漾潑潑。三章
北地深厚。委輸有請。何以養之。不窮惟井。乃鯁乃汲。稟言

鑿裁俯仰游沂人涵

聖涯四章

維石有渠。制昉漢京。醜渠繕堤。治河是成。我皇度工。因小喻大。旋邱覆土。環流如帶。五章

鷺斯在梁。其翼振振。秉心精白。士也德進。芹斯藻斯。匪沼乃池。

皇協天體。日儀月儀。六章

鐘鏞賁鼓。於樂辟雍。中和韶奏。陋彼泮宮。明堂靈臺。議禮非一。

皇時監之。循責名實。七章

日華星爛。落成

紀成。穹碑載峙。中天文明。自元迄今。五百餘歲。必聖人起。稽古閱議。八章

右有雍。八章。章八句。

蒞講美

天子釋奠禮成。講道辟雍也。

蒞學思服。學必立廟。

聖萬世師。功崇德報。

皇諏筮人。吉蠲上丁。鏘鷺茂旂。朕往舍萌。一章

樂奏告闕。我

皇袞衣。莘莘就列。于雍東西。自王公卿。聖裔賢裔。迨爾生徒。三千餘計。二章

維心止符。敬德祇訓。

皇揆道同。仁孝慈信。運貞衍元。健行有常。維

皇御天。與天時行。三章

序講有秩。以書以經。

玉音載宣。肅肅跼聆。退就橋南。雲韶廣奏。式

宴以醑。豈惟教胄。四章

業精行成。

賚金示惠。書賢與能。額廣秋試。百禮孔洽。地負海涵。

恩言如春。噓我環林。五章

三老五更。袒割備養。于學舉行。

皇闡其妄。厥有耆宴。首春舉焉。於

殿於

廷繩

武萬年。六章

昌後燕天。五福

五代顯思。繹思保世。元會

帝臨講學。軼於成周。匪直豐芑。而頌貽謀。七章

維

仁貴敦。累土肖之。維

智貴圓。臨水樂之。橋門恪事。臣罔不恭。臣領記載。述時

有雍。八章

右

蒞講。八章。章八句。

賦

寶光鼎

歲在癸卯。

詔建辟雍於國學。逾年落成。

皇帝迺以乙巳仲春。釋奠

先聖。

講學於庭。觀聽者圍橋門。拘虛子在焉。叶禮既。迺過稽

古先生而問曰。蓋聞國學之設。昉於虞庠。夏稱

東序。殷號瞽宗。周人兼用之。迺尊天子曰辟雍。

其制則旋以水而如壁。築其中以為宮。上法乾

以正圓。下應坤而成方。屋通天而徑九。肖變化

於陰陽。敞七十有二牖。戶外設以不藏。象日辰

與七宿。高迺應乎黃鐘。帶周四以波流。類環海

之洋洋。崇中室而為太廟。大一統則曰明堂。天

子以朝以祭。以教以饗。叶歲時觀祫與習射。師行告馘以獻功。兼養老而乞言。書惇史以戒忘。區四門為太學。迺同事而異名。沿及六國。厥制云亡。漢武祖立。典禮未詳。世祖中興而復建。嗣事迺盛於永平。蓋宗祀光武與黃帝。迎養三老與五更。時三雍已別為區宇。而袒割猶傳其儀章。逮虎觀僅存遺意。洎鴻都遂以無稱。唐宋以降。太學屢有盛衰。而辟雍之制。概未遑也。今皇帝敷明和於函夏。追文武之遐蹤。而門闈既制。殊于

太室。更叟又議。絀夫蔡邕。將帝王之制禮。不必相仍歟。抑古今之異宜。名與實不容相蒙也。稽古先王。喟然而笑曰。若子所云。殆所謂索劍而鍔其艦也。夫國學所以明人倫。示天下範模而已。義本共乎三代。制特別於諸侯。叶譬猶執圭而鎮為尊。設懸而宮固殊。其教則禮樂詩書之竝崇。干戈羽籥之與俱。選俊傑以遞升。實官材所由儲。若乃天子入學。則師道昭。叶太子入學。則齒讓乎。自羣后之太子。與公卿大夫之適子。

皆以迪其德業而範其馳驅。是以作人庸歌於
 壽考。斯士致美於髦譽。東周之衰。子衿興刺。游
 士遂橫。書禁乃厲。及炎漢之代興。奮然欲以起
 廢舉墜。然德化初未流洽。禮儀卒亦不繼。道德
 薄而教澤淺。本源先匱焉。爾惟北京之國學。迺
 肇建於至元。元以武威定國。而懿德未闡。叶明
 自永樂遷都。政雜多端。迄乎中葉。寺人是聽。叶
 視殿陛猶萬里。憚一莅乎千官。違恤學制之完
 缺。與儒術之亨屯。我

朝

奕葉緝熙。淳流行溢。

皇帝以

天縱之聖。日新厥德。用中為度。致和為律。率

祖而日月輪重。由

聖而君師契合。叶

十贊早勒於

杏壇。雙楹重登夫

賜器。叶肄

御製詩文於膠庠。

頌四庫全書於中外。叶自興桓近垣。暨天方絕域。莫不設學建

廟。焯然就我埏埴。矧茲成均首善。時夏之所觀型。鄉校之所取則。而辟雍顧久遺闕也。迺

命司空度地。考工庀材。眡以景絜。營以般倕。採喬檉於嶧。垣伐磐石於厓。屨天官涓辰。挈壺正時。順柔祇以啓土。規明月為周池。疊碣岸之礪。砥縹列井而成漪。洵習坎以盈科。欣觀瀾之在茲。駕長

虹以為梁。蜿青龍之躩。踞頰魚樂於躍淵。想蒲藻之含滋。於中則考廣袤以架殿。度堂筵以為基。抗崇墉之岌。業豐華覆之赫。戲列丹楹以玉碣。攢芝栢與蘭棖。藻以髹繡。綴以雲霓。思夏后之卑室。嘉周民之子來。重屋八達。地矩天規。階墀。璘。昫。四門洞開。順鄉作繪。五色彰施。儉不能踰。華不可裁。中爌煇以靚深。軒楹豁而向離。義轂揚燧於朱拱。舒輪皜皎於瑤墀。應辰極以居正。象

帝心之無為。憑學海於函丈。窺源達於

聖涯。擬圓神之周流。隨鑑照以無私。時風遭以成文。占

渙號而化馳。懸以

璇榜。蟠以雙螭。

乾文垂曜。倬漢燭奎。翼以六堂。左右遷迤。諸生絃誦。於

是焉稽。東序西序之模斯在。上庠下庠之義可

推。於前則瞻寶坊之屹峙。燭燻娘以霞飛。儼嶠

壺之朝暎。映渤澥以流輝。蓋經始於昭陽之歲。

迄闕逢執徐。彌朞所司告功。萬方偕徠。

皇帝用是

親製訓言。昭示萬嗣。叶迺以今年春二月上丁。舉

釋奠之隆儀。

召生徒。

簡儒侶。

御幄陳冠珮。齋奉

寶座。當

宸宇。供

講案。移藻黼。設樂懸。區韶武。於時降婁紀躔。建星在戶。

天光肇登。

鑿輿夙具。叶

皇帝迺整法服。羅禁旅。

御蒼龍翳翠羽。啓

鳳樓指鱣序。建辰旒之華旗。從髯髦之衙衙。清道按列。

翼乎至於祀所。禮官告備。丹陛樂舉。鏗華鯨。振

猛虞。拊球石。合祝啟。簫管嘒。佾羽舞。大胥起而

登歌。摯襄坐而竝鼓。嘉幣迪列。盛牲實俎。

拜獻恪以致虔。羹牆悛乎如覩。

皇帝乃登彝倫之堂。更衮衣以攝威。鑿壅水以示冲。則

有麟角振振。鳳翽雖雖。虎旅翻以飈戾。鷺序靄

而雲從。賢裔博士。領以聖公。國子寮屬。悉率諸

生。沿及高麗陪臣。趨蹌赳赳。遂遂蒸蒸。咸俟於

辟雍南。異列齊恭。

皇帝迺

御正殿以臨。叶之。睟顏穆穆。

日華

天容。瞻卿喬以有喜。仰清明之在

躬韶樂作。臚唱鳴。丹陛繼。六拜同。禮畢。遂退。樂闋無聲。百僚升階。進講以次。元宰陳書。祭酒析義。譬猶捲一卷於日觀。據撮土于厚地。

皇帝迺播

敷言。示

實誨。揭義象以天行。標文德為人極。叶君臣父子。概乎五倫。潛見飛躍。乘乎六位。乾道惟健不息。聖人以敬得止。叶偉君子之日強。公至善於同類。絲躬行以自得。闡心畫為宏議。信修道之為教。覺斯民於

夢寐。强者聞以怵蹈。懦夫激而汗臂。九拜厥角。合語發喟。迺頌

帝歌之四章。明酌古之鴻制。闢更老之曲說。疊篤恭於茂對。雲韶更響。茗椀均

惠。遂奏道平之章。油然返轡。允矣東西南北之無不思。服。自漢永平以來。歷選列辟。以迄元明。又五百餘年。而始邁茲會也。若予所聞。蓋迹而已矣。迹出於足。而迹非足。叶也。必求前人之迹。而一一踐之。是欲行而適自窒也。且夫三雍之事。惡能

合一哉。原辟雍之作。蓋權輿於豐邑。叶維時文。王。方自岐遷。營靈臺以望雲物。又建學環以靈沼。乃嘉名之肇錫。周人快見而誇美。猶秦風之車麟與駟鐵。及周之為天子。乃尊其名而相襲。叶始應繇王之命教。賜斧鉞為西伯。方率其二以服事。安得有明堂與太室。若遽作宮以僭擬。奚不虧損於臣節。若乃明堂之名。見於孟子。叶蓋王者巡狩方嶽。居之以朝百辟。若竝廟學以同處。又安能攜以適四國。月令誌青陽與總章。

名因時以判析。蔡邕據以論定。規制多以蒐萃。夷考唐虞。茅茨不翦。土階三尺。夏后垂戒峻宇。恐未必致美於宮室。迨殷周之營建。制度難以究悉。後儒傳會以道古。亦姑存其說云爾。漢武封泰山。公玉帶上黃帝詩與明堂圖。時嘗用之以祀太乙。而未嘗議及於辟雍。其事本不相及也。明堂方三十六丈。其地初非甚濶。合朝祭與造士。神人亦嫌無別。宗祀或出特舉。朝學豈容混壹。卽太子之齒學。亦行禮而來至。叶脫衆庶。

之雜處。徒唯眊其何益。徇瞽說以力行。將謀食而得噎。東京分建三雍。固知不可以合設。而析辟雍與太學。則亦美其名而未考其實也。至若庠之為養。孟詵自確。疏三老與五更。豎儒乃劇為穿鑿。叶喜

聖訓之昭宣。豁霽翳於衆目。勒

前說與

後記。儼合璧於雙珏。禮大合樂。遂養老儀。自秩乎饋酌。叶既命有司行事。胡又重以袒割。鄉飲亦有介

賓衆賓。存餼羊於告朔。久相狎為具文。民詎因以親睦。昔文王最稱善養。不必盡於學也。所得大老二人。一著績於鷹揚。一以養終。而好事者以為逃於首陽。世儒篤信異聞。迺莫知其荒唐。及東漢之盛。僅得李躬與桓榮。後則魯丕楊統。亦叨禮隆。而靈之未造。猶賜玉杖於袁逢。彼已失其玉鏡。底事承乎虛筐。

皇帝愛育黎元。使養其老。寒者以衣。饑者以飽。於鄉有銀牌之考侶。於朝有香山之壽僚。春正肆

宴。方鳩三千叟於

紫宮。煥若衆星之拱繞。又何有於三五之小小者乎。且自宣聖既遠。危言殺真。非一二人也。夫子之言性天。子貢嘆不得聞。漢宋而降。訓詁習沿。五尺之童。哆然發口於其間。無恠眉山之善喻。嗤捫燭與扣盤。至若封建論定於柳州。井田猶喧於羣儒。不思田各有主。疇則樂為官輸。無罪而愆。其有恐叛不可勝誅。又用臆說。以十六以上為餘夫。果爾則人皆有田。主伯亞旅於何求諸。以

一人治百畝。安能分手足以耕鋤。其言甚高。以實求之。直當一軒渠也。易繫窮變通久。考千聖若合符。深衣可易燕縞。五冕詎仍收。嘒。貢徹各為立號。質文不妨分趨。非先天以開人。要同歸於殊途。即庠序之異稱。夫非其明徵乎。是故務實者治。循名者誣。酌古宜今者聖。執古變今者愚。矧我

朝之制度。

列聖創垂為奕世顯謨哉。

皇帝以復古之彝教。深泥古之遠慮。權損益於百王。妙化神以時措。詒

大訓於子孫。俾履滿之知懼。傳

堯心於執中。孚姬德以念

祖。叶此所以

詔古今之通航。而億萬禩用以保延

洪祚者也。吾子服習古訓。不能溫故以知新。猥摺撫勸

說以為儼議。亦未紬繹

聖言也。鯤鵬乘海運。而鯁歸喙喋於衆。鵠鳴啁晰於

柳樊。欲以有覲難矣。僕亦摹繪

乾象。第依所見以為名。叶而

帝載之廣運。究非筆舌所能詮也。於是拘墟子避席。眈

眈仰天嘆曰。大哉

聖人之時。所以用中也。鄙人眈眈。有類夏蟲。迺今聞命。

渙若發矇矣。

雅謹序

朱珪

皇上智臨天下。

燾育仁壽。

制作明備。

教思無窮。乾隆五十年。辟雍工成。

御製國學新建園水碑記。

揭宣精義。二月上丁。釋奠。

先師。遂

臨其地講學。皇哉邁古之

盛典也。臣謹案辟雍之制。權輿周文。義取明和。鄭康成

以為諸在辟雍中者。感於中和之至也。壅水示

圓。即靈沼也。及武王建之鎬京。遂為天子之學。

然說經者不一。莊周言文王有辟雍之樂。古者

以樂教胄子。則樂即所以教也。以其有臺囿池

沼。則以為在西郊。然西郊虞庠也。以其與清廟

太廟明堂太學。異名而同事。則蔡邕以為其實

一也。以其行饗射養老於中。則朱子以為雍如

振鷺之西。雖即澤宮也。然天子之學。小學在郊。

大學居內。則以為與成均並建於一邱之上也。

故堂方法坤。屋圓效乾。方徑則九六之數。闈宮

戶牖。象卦辰之變通。天屋高。黃鐘之實也。環水

四周海流之富也。漢兒寬稱武帝祖立明堂辟雍。河間獻王獻雅樂對三雍宮。然考武帝所立者。公玉帶之昆侖。非太學也。至劉向因犍為郡得古磬。說成帝興辟雍。設庠序。其時案行長安城南營表未作。光武中興。乃營立明堂辟雍。顯宗躬行其禮。史參園橋之衆者也。然班固禮樂志。以為威儀既盛美矣。而庠序尚未設。翟酺言明帝時。辟雍始成。欲毀太學。太尉趙熹以為宜兼存之。則是辟雍與學為二。循其名而無其實。

也。唐歸崇敬言。晉武帝臨辟雍。行鄉飲酒禮。別立國子學。以儲士庶。今辟雍獨闕。請以國子監為辟雍省。當時憚於改作。迄未施行。宋崇寧元年。即城南外營外學為辟雍。乃在上舍外舍之亞。然則自兩漢洎晉唐宋。議制紛囋。舉典疏濶。皆不合於明倫之實。大雅之誼。元至元丁亥。始立國子學於北城之東。而辟雍未建。訖五百年於茲。曠如也。

皇上稽古揆時。濬源規地。遠乎自周以來。越三千年。而

辟雍與太學復合為一。豈不偉哉。且夫文武功德。福祚教養之純。懽而懿備。未有盛於今日者也。

聖學緝熙光明。四庫之全編入

乙覽。所在分建七閣。則書在上庠。韓詩所謂立明堂於中。五經之文所藏處者。不足言也。

聖武天授。再平金川。闢地西北二萬里。告成之碑。四建於學。則記所謂以訊馘告者。不足多也。

古稀天子。

五代一堂。則詩所謂貽厥孫謀。以燕翼子者。無以加也。

今年上春。

特舉千叟宴於

乾清宮。

大賚者者三千人。外及朝鮮之使。則禮所稱四代養國老。庶老之制隘矣。至於尊三兄五。危言日出。何當於成均東序之旨哉。辭而闢之。廓如也。臣又按記云。學之為父子焉。學之為君臣焉。

皇上以身教天下。純正安止。立人倫之極。歲省日新。

至誠無息。

體天行之健。大學之至善。大易之乾元。惟我

皇上躬行而心得。故發為

御論。深切精微。羣臣士庶。至於海表陪隸。傾下風而翕

然醇懌。所謂自西自東。自南自北。無思不服者。

惟

天子身度聲律。故心悅誠服之至也。臣受

恩禁近。仰望

穆光榮。幸忭躍。不能形容。

德業之萬一。竊作雅詩八章。章十六句。附於永言蹈舞

之末。拜手稽首以

獻。其詩曰。

帝德純矣。承

天牖民。

成教悠久。作

師作

君。禮理樂樂。昭明和訢。五帝之學。厥惟成均。命夔以來。

道在周文。亶亶穆穆。不已其勤。雅有辟雍。靈沼

齋齋曠典千載待我

聖人。一章

聖人揆聖。蹈孔憲周。五謁

闕里。泗洙交流。將將國學。庭空樹樛。元造明因。五
百春秋。淵泉弗濬。曷鏡曷游。乃

命鳩工。園壁肇修。緇井用甃。勿幕其收。石梁四達。奚事

造舟。二章

觴沸園水。中為辟宮。闕門十二。環洲玲瓏。經始
癸春。告成甲冬。乾規坤架。日星冲融。

帝抒大文。稽古折衷。匪襲收呼。升繪火龍。久速時措。節

儉道崇。三五袒割。鯁彼榮躬。三章

元日

詔下。

恩覃九有。宴老

內朝。三千其叟。仲春丁亥。辰在俶口。

帝駕蒼龍。鼓徵鐘叩。

升堂合樂。

釋奠用卣。舞詠踰調。球絲穆眴。登俎馨香。祝帛燎樵。

德盛禮恭尊

師尚友四章

乃

臨辟雍。鏡光雪瑩。

帝發德音。圓橋觀聽。人倫之孚。慈仁孝敬。匪循其名。精

義希聖。惟

聖法

天。圓輪無竟。

緝熙在心。

宵旰在政。一日萬年。以篤

天命。桴鼓之聲。海隅敬應。五章

帝敷文教。天人大觀。

御製四集。雲章萬番。

文淵源津。溯滙宗瀾。北極星石。辨黃河源。學校之

廣。熱河玉關。卽今國學。前稽至元。辟雍之興。越

五百年。光於豐鎬。覲此灣濼。六章

帝成大功。

允文

允武止戈井絡。金川深阻。犁庭伊犁。降汗曳組。遂下城郭。日入之部。和闐崑崙。歸我版土。

再平蜀徼。掃蕩伏莽。

告成於學。穹碑列廡。微斯岐陽。魚貫十鼓。七章

天佑

皇帝壽祺康彊。健行不息。

古稀方將。既受

純嘏。繩繩有常。本支千億。

燕貽一堂。璧潤比德。澤流孔長。君臣父子之紀之綱。

教育天下。和雍明光。

皇帝曼壽。與

天無疆。八章

頌

劉 墉

粵自圖膺少典。闡四千載之文明。黌啓

神京。

釐五百年之制度。讀書缺有間。堯德難名。教胄直而

溫。虞官始重。元圭既錫。則夏校聿興。金德遞更

而殷序式闢。逮乎文武。遂創辟雍。披水作宮。定

一王之成憲。旋邱為璧。開百代之鴻規。欽惟我
皇上布化如神。體

天同緯。

深仁醇粹。下洽翺螭飛動之情。

至德光敷。上擴覆載範圍之量。謂皇春帝夏。自共樂其
舒長。必玉振金聲。乃大宣其條理。已安已治。

作君作師。伏覩

皇上時中聖人。

古稀天子。日升月恒。山壽莫罄頌禱之辭。天道地寶人

情。俱和熾昌之色。慶

七十五齡之怙冒。人樂春臺。祝

萬六千歲之康強。籌添海屋。

受釐純懋。錫祚延洪。五十數曰大衍。屢盈掛楪之占。十

九歲為一章。孰測紀元之積。至於圖牒之所未

覩。億兆之所臚歡。

一德一堂。

五福五代。寰宇集千耆之瑞。月正開六日之筵。卿月民

星。映丙曜而流暉。彌吉。東鷄西鰈。隨寅杓而入

座皆春。可謂不世之遭逢。更荷無窮之

寵賚。欣聯綺席。瑞啓琅函。昔分虎僕之抄。已事而畢。今勅龍威之護。按部就班。甲乙丙丁。儼貯六師之祕仗。

淵源津溯。悅流萬古之文河。

綸綍頌恩。

神人禔福。庚郵徧德。雖僻壤而皆周。甲圻銜仁。等春華之來被。臣聞有道之世。嶽瀆盡致其懷柔。明禋之誠。牲璧竝昭其肝鬻。是以卿班奉使。儀秩告虔。天風引香而雲巒駉豁。煙崖讀嘏而

濤瀨清恬。若夫康樂和親。七葉有同居之族。老壽繁祉。百年來扶杖之翁。曾孫之子。牽衣大父之祖。在室竝摛

睿藻以著其嘉祥。復煥

奎文以旌於綽楔。此皆我

朝昇平之盛事。而

聖治光被之淳庥也。重以

袞封實紳黼之至榮。游息乃子衿之

渥惠。需雲靄靄。白首含哺。解雨蘇蘇。丹書滙垢。罔不沐

浴

帝澤涵泳

聖涯。前為于而後為喁。襲乎鼓而軒乎舞矣。迺者

天子考同文之治。精復古之心。以學校本推化理之原。

則辟雍宜副於樂之實。爰

命將作。俾立堂榮。謂其臺曰靈臺。復有可樂之沼。巽乎

水而上水。原多不改之泉。乃大有為。無小不備。

遂以上丁之辰。

親行釋奠之禮。薦饌進筭。

齋心辟容。見知聞知於道同。先聖

後聖其揆一。即於是日。設

經筵。

御講幄。緝熙敬止。則推闡五常。行健自強。則發揮四德。

先覺覺世。如風風人。諸生親炙之餘。若泝洙而

涉泗。羣工跼聆之下。忽披霧而覩天。與古為徒。

於

帝其訓。至於老更三五之云。半屬賈鄭附會之見。彼桓

榮之備位。何所取裁。即永平之執經。概從刪斷。

此蓋我

皇上宸衷獨運。因心即妙于從心。

聖諭綦嚴。愛古不可以泥古者也。臣忝掌銓衡。夙承

教育。目覩鎬京之盛。心哦大雅之編。愧贊誦之無能。願

濯磨而自勵。鳧趨素凜。欣聞昕鼓之招。葵向誠

殷。敬繹園橋之聽。臣無任踴躍歡抃。拜手稽首

而為頌曰。

聖人御宇。福備恩醲。爰修至教。環水築宮。以習齒讓。以

樂鼓鐘。

躬行釋奠。齋志儼容。

躬親講學。雨化風從。自王諸臣。以訖章逢。罔不翼翼。罔

不雍雍。

聖人享祚。大衍既付。純嘏彌長。莫測茲數。

壽逾古稀。

天體強固。元氣彌綸。卿雲布護。跼跼鷄游。般般麀步。引

養引恬。以陶以鑄。臣民自慶。際此

寵遇。

聖人多男。五福備覃。五福五代。含飴分甘。近時希有。往

牒悉探。庶賤僅見。天室靡談。厥由
盛德。渾淪包含。參天貳地。咸五登三。領雲撫初。孔樂且
湛。

聖人錫壽。清問耆年。

詔開醕宴。以洽華顛。邇始

宗潢。遐逮朝鮮。濟濟翼翼。接踵摩肩。拜

恩少府。飽德長筵。老人嬉遊。懷葛之前。

聖人考文。博蒐羣籍。千指屑螺。萬谿裁壁。浩如烟海。紛

如朱碧。逡巡歲事。近若朝夕。奎躔輝輝。斗匡奕

奕。虎觀石渠。哂彼仄迫。錦罽纒排。長恩任劇。

聖人如春。吹萬皆新。風和雨甘。枯茁勾伸。

帝有恩言。如絲如綸。如樽在衢。如樂在均。如煥斯室。如

响斯春。以協中外。以和人神。式歌且舞。咸祝

皇宸。

聖人重祀。無遠弗咫。嶽瀆秩崇。公侯是視。出雲見物。潤

及千里。辨香自

天。大僚簡畀。往盡乃誠。惟馨惟旨。莫不效靈。罔弗順軌。

聖人在上。天下大同。眈眈元氣。禔禔淳風。七葉弗析。惟

和惟公。如支附本。如繭同功。或壽曼羨。有百年翁。曾孫抱子。瓠肥犀豐。榮懷之積。德符之充。熙熙皞皞。仰愜。

皇衷。

聖人牖民。慎覈名實。名賓實主。實在賓謁。伊昔建學。至今弗越。號曰辟雍。名存實逸。壅水曰雍。非沼曷室。挹彼注茲。并養習吉。澄之愈清。用之不竭。名實相副。主賓有秩。億萬斯年。絃歌講述。

序

趙佑

臣敬稽古者。建國君民。教學為先。天子曰辟雍。諸侯曰頴宮。辟雍者。太學也。辟明也。雍和也。言天子之德。有以平章百姓。百姓昭明。協和萬邦。黎民於變時雍也。又辟言璧。雍言壅也。取其圓如璧。壅之以水。毛詩傳謂以節觀者也。其事始於周之文王。作邑於豐。與靈臺竝建。故大雅之詩。竝紀於一篇之中。靈臺觀乎天文。以察時變。辟雍觀乎人文。以化成天下之道也。及武王舉其禮於鎬京。詩歌之曰。鎬京辟雍。而辟雍遂為

天子定制。凡釋奠於先聖先師。與夫教國子養老選士皆在其中。誠百世之隆軌矣。臣竊流觀載籍。一王開國之初。典章制度有已備者。有未備者。有所未備。不能不仍用前代之禮樂。以待後之治。定功成。釐訂而振興之。所謂禮樂百年而後興。待其人而後行也。漢承秦弊。文景雖立學宮。而禮樂未遑。後漢明帝始有臨雍之舉。史記園橋之盛。而迄不足以追隆古。乃至諸儒紛紛以太廟明堂辟雍并為一處。謂之異名而同

實。其說始於大戴記。而蔡邕月令論。穎嚴春秋釋例因之。此孔穎達詩正義所為採袁準正論以正其失者也。夫欲考古制。酌時宜。而於實名之異同是非。先不能確定其指歸。何恠乎四門之徒設。而南北之紛歧。故曰作者之謂聖。述者之謂明。述與作兼。聖以明至。自非極天人之協應際。

景運之邛隆。仰

一人之懋建。孰能稽古定憲。集百代帝王之大成。而美

善靡不臻者乎。欽惟我

國家。烝烝皇皇。

重熙累洽。所承乎

天眷。獨厚以全。

祖宗謨烈。昭垂定天下。以武。而治天下。以文。久已普思

服於無外。

皇上躬生安。勤夙夜。

御宇五十年。外闢疆域。內輯甸男。所以宏

前緒。而裕後昆者。彌無不至。自禮章樂舞。以迨象數之

微。律令之大。旁及百家圖說。罔不定自

睿裁。一以貫之。至於羅四庫而雲蒸。歸

七閣以霞起。煥乎千古未有之大文矣。

特命京師首善之區。太學人才之會。厥自元都北平。立

國子監。而明因之。獨於辟雍之制。闕焉。迄今五

百餘年。古而弗稽。盛將焉嗣。蓋甚

厯乎臨幸之儀飭。而明和之義弗彰也。

曰。余其時揆舉之。汝百執事。其敬承之。於是

詔禮官。諏吉良。鳩工庀材。辨方正位。穿井引池。璧流迴

環自癸卯春經始。於甲辰冬歲成。則見夫表規
裏矩。四通六闢。靈源溶漾。虹梁翼拱。亭亭峒峒。
豐碑切乎雲漢。而大義炳於日星。蓋仰觀
宸翰之為章。羣言始得所衷焉。惟二月上丁。

皇帝釋奠於

先師。憬車服之在庭。陳帟幘而應節。淵乎六變之響。
穆乎六拜之容。既而

御辟雍。大學士及祭酒進講經書。記注之史。羽林之士。
肄業諸生徒。咸屏息俟。

上乃闡微啓秘。君臣父子之鵠。自強不息之機。一一鈎
其元。提其要。

親為指授。怡然理順而情融也。百禮既洽。

慶賜遂行。見見聞聞之侶。咸蹈舞而觀成。大矣哉。斯誠
三五紀載所未詳。而漢唐以下。良不足述者矣。
臣謹益推大雅之教。曰濟濟多士。文王以寧。又
曰周王壽考。遐不作人。時文王以方伯當既耄
之年。能興學立教。以成造士之功。其在頌曰。振
鷺于飛。于彼西雝。說詩者曰。此釋奠於太學之

詩也。西雝。卽辟雍也。我客戾止。亦有斯容。言文王之時。辟雍學士。皆潔白之人也。今我

皇上以廣運之德。四方來賀。

萬福攸同。介

壽則有踰古稀。紀年則適符大衍。以方麟趾之瑞。則五世而一堂。以開魚麗之筵。則千叟之咸集。由是明以揚懿。鑠之儀。而和以召滋。至之祥。莫不興。莫不增。有非文王所克同。斯盛者。乃猶覃思稽古。稟經惇典。勤勤焉。若修舉之未備。而

作與述務極乎精詳。則信乎文之為文。惟我

皇之建。其有極也。而純純不已。無非體

天之明。人之和。下宜人而上御

天。以益宏

前緒。裕後昆於無窮也。臣以菲材。荷

聖慈。特達之知。由翰林科道擢京卿。視學山左。游泳於

禮教之鄉。竊見有衍聖公。逮諸賢裔。儒服矩步

之士。莫不踴躍觀

光。共承曠世

盛典。臣秩在奉常。而

恩叨使節。不獲躬隨班末。襄駿奔。惟是慶忭之私。導揚

之義。則一擬諸

日月之光華。

春風之浩蕩。而草木昆蟲。皆得抒傾向。效翔鳴於其下。

謹拜手稽首。敬從獻賦諸臣後。而為之序。



